

寶豐縣志卷二十四上

原任山東博山縣知縣偃師武億

同纂

寶豐縣知縣吳縣陸蓉

循政記

漢

苗萌

後漢書馮異傳漢兵起異以郡掾監五縣與父城長苗萌共城守爲王莽拒漢光武畧地潁川攻父城不下屯兵巾車鄉異間出行屬縣爲漢兵所執時異從兄孝及同郡丁綝呂晏並從光武因共薦異得召見異曰異一夫之用不足爲強弱有老母在城中願歸據五城以効功報德光武

寶豐縣志卷二十四

循政

一

曰善異歸謂苗萌曰今諸將皆壯士屈起多暴橫獨有劉將軍所到不虜掠觀其言語舉止非庸人也可以歸身苗萌曰死生同命敬從子計光武南還宛更始諸將攻父城者前後十餘輩異堅守不下及光武爲司隸校尉道經父城異等卽開門奉牛酒迎光武署異爲主簿苗萌爲從事

周

樂運

北史王軌傳附樂運傳運字承業南陽清陽人晉尙書令廣之八世孫內史鄭譯常以私事請託運不之許因此銜之及隋文帝爲丞相譯爲長吏遂左遷運爲廣州滄陽令開皇五年轉毛州高唐令頻厯二縣竝有聲績

案傳稱運南陽清陽人清陽蓋涑陽之訛晉書樂廣傳南陽涑陽人此其証也

韋默兒

周書郭賢傳東魏又以土民韋默兒爲義州刺史鎮父城以逼賢賢又率軍攻默兒擒之

唐

崔敏

柳宗元文集唐故朝散大夫永州刺史崔公墓誌授許州臨潁汝州龍興令推以直道二邑齊風

宋

劉顏

寶豐縣志卷二十四

循政

一一

宋史儒林傳劉顏字子望彭城人少孤好古學不專章句師事高弁舉進士第以試秘書省校書郎知龍興縣

程顥

伊川集明道先生行狀神宗差知扶溝縣事先生爲治崑尙寬厚以教化爲先雖若甚迂而民實風動鄰邑民犯盜繫縣獄而逸旣又遇赦先生坐是以特旨罷邑人知先生且罷詣府及司農丐留者十數去之日不使人知老稚數百追及境上攀挽號泣遣之不去以親老求近鄉監局得監汝州酒稅

程瑜

明道先生從父瑜墓志瑜字叔寶由永州零陵主簿擢令

汝州龍興計省言其才遂監解州鹽池

錢稔

以下馬志

眞定人紹興中令綽著能聲宣和二年奏改寶豐以寵近
輔之地

朱之純

潁州人建中靖國初令政興教舉爲當時循吏首稱

王巍

河間人愛養百姓禁治吏卒遠近稱頌民爲勒碑紀實舊
志不紀某年令

李安仁

安慶人慶元中令軫卹民依作興土類開渠以興水利三

寶豐縣志卷二十四

循政

三

年之間致民庶富

翁守約

崇安人字行簡政和三年進士調汝州龍興尉政府以屈
其才改常州司馬刑曹事官終承議郎知高郵軍與楊龜
山先生友善先生嘗爲作養浩堂記稱其行修氣完臨政
無巨細迎刃立解

金

耿宣威

石首人承安中寶豐令勸農輕賦歲旱齋沐剪爪徒跣行
禱大雨歲乃大有靈相寺感應碑記其事

明威

寶豐令重修縣治教民開渠興水利三年民皆殷富大著
能聲去後民多思之

女奚烈

寶豐令東河仄龍神廟碑金人郎姓重農興學惠政及人
聲名與名威相繼

明

朱銓

直隸霍邱監生字彥衡成化乙未復設縣銓來知縣事一
切經營規制具備先是地分屬邾魯里胥弊竇參差影伏
銓條晰縷分嚴飭不稍恕曰永久章程定於此曰勿遺厲
階後陞鈞州知州其開治之功不可沒也

寶豐縣志卷二十四

循政

四

謝永年

慈谿舉人字德徵成化辛丑年任政寬刑簡撫字有方

顧景宏

眞定衛舉人字時泰宏治己酉任剛直有爲吏民畏服

顏頤籌

李宏志野乘

湖廣巴陵進士字天和宏治時知縣任至刑部尚書伏闕
哭爭大禮後鞫李福達獄糾武定侯郭勛忤旨削籍觀此
二事可以想見其生平

王翊

武驤衛舉人字廷輔宏治丙辰任興賢作士綽有能聲

黃泰

山東安邱舉人字子安宏治己未任時立縣未久汝魯邾不毛之地割以爲縣而賦額反浮焉泰憫田瘠稅腴乃履畝視土美惡差等其賦終明世邑人賴之泰又改激水自西門與栢水合名以玉帶又請開北門便民均賦至今邑人傳頌

王遵古

長垣舉人字宗堯宏治乙丑年任臨政公勤

許可久

徽州舉人字元易正德庚辰任政有能聲

李莊

薊州進士字敬天嘉靖癸未任剛明果斷陞伊府左長吏

寶豐縣志卷二十四

循政

五

夏麟

冀州儒士嘉靖壬寅以鴻臚寺序班陞知縣事氣象安詳政尚簡易太常寺卿馬理嘗贈以德政詩

陶淳

上元舉人嘉靖乙卯任存心謹厚待人以寬陞四川涪州

知州

辛柱

李宏志野乘

石州舉人嘗任寶豐令旋判彰德郭文簡續志云柱前同知文淵子修儀偉幹公慎廉明庭無私謁政無偏枉士民戴之

袁亮

湖廣麻城舉人字執夫自錢塘教諭陞知縣事蒞政三年
五薦九獎巡撫蔡薦其律身無愧孝廉居官不辭清苦士
大夫謂其忠廉多得於母教因繪節孝忠廉圖競爲詩章
以詠歌其事後陞簡州知州

王廷簡

邛州進士字在吾嘉靖乙丑任明察嚴毅人不敢犯

苗煥

山西澤州進士字文峰隆慶辛未任性戇直果敢有爲冰
操自厲屬吏風清

饒大英

寧國舉人號鳳橋萬曆癸未年任性資樸實器宇寬宏恪

寶豐縣志卷二十四

循政

六

守官箴冰蘖勵操纂修邑志後陞應天府通判

張徵音

陝西朝邑舉人今縣治前勒其所作勸民歌質實明簡儉
切感人碑陰附其上涂巡按條議其昏防喪戒皆有關禮
教

朱瑞鳳

浙江山陰進士萬曆甲辰任善作人才

邵建封

四川富順舉人字啓垣萬曆己酉任歲饑賑救殫盡心力
其倡義勸輸碑今在城隍廟大門外報災申文乃其手筆
讀者爲之流涕

范廷弼

山東滋陽舉人萬厯己未年任才幹明敏風厲霜嚴匪類入境朝至而夕已知爭訟是非剖斷如神卽至罵詈鬪毆肆口誰先奮拳誰先相爭某人勸解赴控某人追留不待證佐備述詰訊邑人咸驚不知其何術也後陞去始知其各集鎮悉置有耳目此昔黃次公之行於潁川者令長而能此豪強喪膽而善良蒙福不得以其譎謀而少之至爲之耳目者偵聞據實形迹不萌又可以見其駕馭矣

張問行

易州進士崇禎己巳任秉性剛方

石可礪

寶豐縣志卷二十四

循政

七

陝西城固舉人字用汝崇禎辛未任流寇亂城守多勲

張人龍

明史李貞佐傳寶豐知縣張人龍遵化人城陷不屈死馬志人龍死其妻年少悍奴欲亂之妻飲以酒俾極歡潛告丞尉捕奴殺之

朱由械

明史武大烈傳崇禎十四年正月賊陷寶豐知縣朱由械死之由械鎮國將軍常澈子由貢生後贈僉事

周之德

陵縣貢生由洛陽主簿署縣事賊至遇害

王俊

福山監生字士傑成化乙未新設縣丞俊來任事與朱銓同勅縣治有聲

張貴

寧靜監生字席珍成化庚子任縣丞爲政有聲值歲旱齋沐禱於城隍自責三日雨降人謂至誠所感

李文儒

三原監生正德年間縣丞臨政剛果清謹著名後陞隰州通判

江渙

湖廣辰州府監生嘉靖年縣丞存心寬恕持己清廉後陞衛經歷

寶豐縣志卷二十四

循政

八

周桂

阜城縣吏員嘉靖年縣丞持身清謹蒞政嚴明後以老乞休

李存智

萊蕪監生先任蕭縣主簿有聲嘉靖壬戌陞寶豐縣丞賦性剛直存心公平蒞任未久被裁赴部

楊恕

慶都監生字求仁成化戊戌任主簿勤政愛民

章夢麟

宛陵人善草書萬曆間主簿署縣事以才幹稱

任文質

陝西鄜州吏員成化乙未任典史立心介直遇事敢爲與
知縣朱銓同勅縣治

李文顯

陝西合水吏員宏治年典史有政聲陞銅陵主簿

李鳳

永年監生宏治年典史蒞政勤幹

王恒

浙江建德吏員嘉靖年典史安靜不擾贊政有聲

程佚名

崇禎末典史賊破寶豐程死之

曹珍

寶豐縣志卷二十四

循政

九

江西湖口舉人字伯奇成化丁酉任教諭優於文學誨人
不倦與知縣朱銓勅開學校

許崇仁

浙江天台舉人字一元宏治年教諭嚴立教條考課維勤
一時人才多所造就九年之內二典文衡後陞福建閩縣
知縣終府別駕

魏九章

直隸臨淮縣舉人嘉靖間教諭學行優長議論遠大持已
端莊教令嚴肅士林稱之

向鬢

貴州舉人嘉靖間教諭青年勤教待士以恩生徒有貧乏

者濟以粟帛後陞國子監學正

潘元翰

廣東番禺縣舉人字彥良嘉靖間教諭賦性淳厚學問該博持已以恪誨人不倦陞山東魚臺縣知縣

李錫

江西弋陽縣歲貢字文圭宏治年訓導文章高古因才造就後陞遼府教授士子有去後之思

邢鑾

永清歲貢字廷振正德年訓導卓有氣節不阿上官

劉景寧

四川南溪歲貢字靖之正德年訓導爲人直率和易長於

寶豐縣志卷二十四

循政

十

吟咏後陞荆王府教授

王用

四川巴縣歲貢字大賓正德年訓導有學行善大書

門宣

四川簡州歲貢嘉靖年訓導賦資渾重學問淹洽雅意作人優於詩賦

閻謙

原武縣歲貢萬历年訓導直方狷潔堪爲師範

張君德

新安人字乾二崇禎末由汝寧府訓導調寶豐教諭醇行著聞士林欽服遭闖賊變不屈死

國朝

劉維新

陝西耀州貢生字繼周順治丙申年任知縣纂修邑志

胡權

直隸河間府任邱縣人字義公庚戌進士重修縣治招民

開墾

李秀發

江寧監生字岷庵康熙乙丑任和平樂易待士最優五疵
惟貨下車誓神迄十二年無改李初丞蒲圻嘗攝令今五
十年寶豐人稱之與蒲無二云並纂修邑志

閻一誠

寶豐縣志卷二十四

循政

十一

內邱人順治年典史材幹明敏督理貢院有功

李端

浙江山陰人康熙年典史循循雅飭尤工書畫

秦元春

新安縣乙酉舉人字復五雍正年教諭曰課諸生講論經
義苜蓿不飽淡如也

王師曾

鹿邑貢生字希沂雍正年訓導性敦篤嚴正自持髦老好
學不倦非公事未嘗下堂階非端人正士亦未嘗少假辭
色也邑人士咸矜式之

右据馬志考訂

馬格

湖北蒲圻縣舉人字肇修號松軒乾隆己未補縣任能自振厲凡邑之渠橋祠宇多所修舉癸亥纂修邑志

徐碩士

雲南嶧峨縣舉人乾隆壬戌登明通榜辛未任縣事砥礪廉隅重文勸士丙子以憂去後仕至襄陽府同知

王績

山西文水縣人乾隆壬戌進士戊寅授縣任政尙嚴肅鋤莠安良奸徒屏跡壬午調儀封縣

雷汪度

浙江錢塘縣舉人乾隆壬午十一月任縣事勤慎明決捷

寶豐縣志卷二十四

循政

十一

于聽斷民無冤抑甲申十月調虞城仕至汾州府知府

右据採訪事實續補

寶豐縣志卷二十四上

寶豐縣志卷二十四下

原任山東博山縣知縣偃師武億

同纂

寶豐縣知縣吳縣陸蓉

大事記

馬志正德十六年十二月十八日薊賊趙風子鏃破寶豐知縣徐端遯去鏃劄營三日兵備僉事孫磐差賈黃榜招撫鏃乞奏辨遂去仍進攻裕州

馬志嘉靖二十二年歸德師尙詔叛衆至十萬勢甚猖獗賊及襄城邑大震恐兵備王之誥禦之於邾邑

馬志萬曆二十一年饑明年又饑葉縣青山寨哨聚千餘人作亂汝州分巡僉事崔應麟移駐魯山遣主簿馬某設

寶豐縣志卷二十四

大事

一

伏曹鎮賊夜至伏發俘戮甚多

案崔公保魯去思碑稱賊或盤據窠石或結陣青山卽志所指

馬志張獻忠賊中號八大王崇禎十五年五月十三日至寶豐殺知縣朱由械及典史程某賊劫集諸生于城東河仄龍王廟各問姓名令勿驚怕歛語良久遣各入城遂拔營去

案明史崇禎十四年正月賊陷寶豐知縣朱由械死之與此年月互異至典史程殉難而其名未著殊可悵惜

馬志羅汝才于崇禎壬午九月屯香山李自成赴邾縣秦督孫傳廷猝至自成幾成擒倉皇渡汝才奔汝才營盡棄

輜重官軍爭取之行陣亂汝才乘勢衝擊遂大潰然闖賊猶甚畏傅廷癸未歲賊僞改邑爲寶州八月傅廷復出師潼關九月八日次汝州僞都尉李養純降養純言賊虛實九月遂進攻寶豐陳於南岡平濠逼城十二日城破傅廷遣騎呼曰殺一賊者賞十金戕一民者斬而軍士憾民爲賊守遂多屠戮僞牧陳可新僞倅姜鯉皆伏誅

案馬志原文多冗詞故畧加竄易以昭覈實

馬志邑土賊起於崇禎六七年間蔓延滋長野盈巢窟而西山埧壑香爐塚娘娘山諸賊憑據險阻勢更鴟張野掠不厭遂謀犯城練總趙含玉練兵於西門外演武場而土賊突至含玉遂率衆與戰至深夜賊退含玉中流矢死焉

寶豐縣志卷二十四

大事

一一

生員蕭蝦蟆等七人叛與山西賊通約以吹簫爲內應會其黨任重者出首知縣石可礪立執蝦蟆等誅之通衢癸未孫督師率師復城師退西山賊乘虛入城執縛居民拷取財物或烹人而食之或解其肢體以鹽漬戴之去或驅入山牢置之若羊豕以次供食至順治二年其黨尙不解散知縣張翼舉至乃親率丁壯悉殲寨賊最後討西山賊賊僞降誘翼舉至山寨大窘辱之旣而與翼舉約和縱之歸事聞撫按翼舉以輕疎褫職總鎮高某時駐河南府遣都司范某率兵至入山大搜捕殺戮者十之五六墜崖踐踏死者十之三四逃竄脫命者無幾焉邑自是土賊絕

明

嘉靖七年秋七月旱蝗歲大饑

十年秋大水壞民廬舍大饑人相食

二十四年十二月地震有聲如雷民不敢入廬舍者十餘日

三十二年大水

四十年春旱四月朔夜星隕縣堂樹上火星紛落

萬曆十六年大饑

十七年三月清明日黑風自東北來晝暝

二十一年自夏至秋靈雨害稼大饑人相食

四十一年大水

崇禎五年靈雨無禾

寶豐縣志卷二十四

大事

三

六年大疫有鳥自西北來千百成羣似鶉而大爪無後距不能棲樹人呼爲番鷄飛逐相繼終歲止是年冬流賊薄城弗克

十三年大饑木棉棠棣諸樹葉計斤而粥斤值百錢西山土賊起

右馬志

叙傳

劉維新

劉維新順治十三年知寶豐纂縣志既成縣人王之晉序云孔宣父定周禮每歎杞宋無徵愾然曰文獻不足故也則古今異代鄉國殊俗獨可缺文獻乎哉寶豐本蕞爾邑亦隸一統志之版然一統第志其畧而縣志則括其詳兵燹後什無一存昔經宦遊是地或潛蓄是書卒莫能購較諸鄰封粗有可據者弗啻縣絕遼海于公偶集數帙附載汝志尙未成全豹今邑侯耀州公奉上臺纂志之命敦請孝廉李子道光德論拔選朱子旭延訪搜輯補前史之已亡續後紀之新入劫毖刊刻卷乃告完雨粟夜泣當在斯

寶豐縣志卷二十四

叙傳

一

時矣覽者曰此寶豐之職方也

聖天子採風問俗敬持是以獻然有說焉耀州公固仁人君子鳴琴五載成績堪述水旱疾疫有祈城郭宮廟有築招撫流鴻勸墾奧草上減供億奔命之繁下倡孝弟忠信之教絃誦漸廣雋秀曰聞其於天文地理田賦戶口節義文章之概已詳著於政治間斯志之作所以傳公之政也公政不可一日不傳邑志不可一日不作若以爲諛聞動衆公固不徒以博物見長若以爲憫時觀變公固不徒以杞憂存心蓋公實有保邦制治之懷大見諸比事屬詞之際自古天道無陂不平人事無往不復邑之戶口今稀矣有還定安集之法在不患不聯衽帷而揮汗雨也邑之士田今

蕪矣有勸課補助之法在不患不穰九萬而耦十千也邑之賦役今雜矣有請蠲乞罷之法在不患不酒漿省而佩璲減也卽曰邑之氣運浸微邑之人文積衰當事者主持自我轉移自我誠曰厲厥鼓舞作興奚患不節義文章並兩漢乎後之來牧茲邑者按圖憤發一本力行將見香峯淨泉高深猶昔三萬餘丁可聚七千舊壤得復徭稅不困人物克振此皆耀州公風起之力其大有造於吾土匪淺也於是乎言皆順治庚子季夏

李秀發

李秀發康熙二十四年來蒞寶豐越十年修縣志時預編集採訪校錄者鄭維雅李繼志李宏志鄭訥凡四人秀發

寶豐縣志卷二十四

叙傳

一一

嘗總其事序云邑之有志蓋以志一邑之山川土田財賦政教人物風俗而成一邑之文獻也寶邑之志先代之文物典章燦然備具俾後之人展卷而見其山川之秀麗土田之肥磽財賦之多寡政教之簡煩人物之美盛風俗之澆淳共昭一邑之勝概志之修也顧不重歟然代有興革則邑不無盛衰寶邑自明季以來兵戈蹂踐遂多奏灰漢缺之虞宰是邑者人各有心雖前令之蒐輯刊布而後代之踵事增華苟非重起而修明之猶懼缺略而行之不遠烏足以垂世而立教也予竊久有志焉而未逮會前大中丞閻公較明豫省一統之志檄令各郡州縣重修未克成編幸逢顧大中丞公以江左碩儒來撫中土檄終厥役於

是復集邑之博雅紳士重加考訂二越月而書成上之行臺筆削是正命付諸梓工將竣邑士子預是役者咸謂予不可無一言以弁其首予以謏劣濫膺是役雖有籍於邑之紳士衆思衆益較集成書而予愧無子長孟堅之才又乏廬陵紫陽之識更復何言唯是兩大中丞公始終是役之意何可以不明寶雖蕞爾邑有社稷則有政教有民人則有風俗

興朝五十年來邑之舊蹟如宋程伯子監汝州酒稅於邑之北鄙後遂以名其里邑治西南隅漢膠東侯賈將軍墓在焉又東南五十里巾車鄉馮節侯遇光武故處此人所耳而目之者其他事業載在典帙班班可考後之有志之士讀

其書想見其豐功偉績未嘗不在心目間也獨是歷代仕宦之政教法制與夫薦紳碩士之道德學行閭閻小民之節概事誼使其湮沒不傳而淪於荒烟蔓草則修德者無勸而爲善者莫彰亦何以光前而啓後且兵燹之餘哀鴻未集瘡痍莫起十年以來撫綏雖亟而土田猶未盡墾財賦猶未盡復不爲著明後之蒞茲邑者更何所考正以大其綏集也乎志之重修所係豈淺鮮哉予於是役旣以明兩大中丞公表章文獻之意又以爲茲邑政令教化之助吾黨之讀是編者油然有忠孝節義謙讓廉耻之心庶士習以正民風以淳安見昔賢之流風餘韻不在汝南滢北間也皆康熙三十有四年歲次乙亥孟春秀發有治行見

循政記

馬格

馬格乾隆八年延縣人李宏志編輯縣志格紀其事爲序著之云己未冬余承乏是邑簿書之暇披覽舊乘雅飭簡括稱善搆焉然自乙亥距今踰四十年久未補續因慨焉動重修之志庚申歲杪延邑明經李子宏志輩肩其事訛者正之缺者增之間亦畧附己意潤色之稿旣脫請於郡憲瑯琊宋公復加裁定始讐虎魚而付之剞劂氏惟余以散材菲質幸承先給諫公庭訓於從政之要粗有見聞今忝任民社曾不能有所樹立而顧與二三君子擁圖攤史商訂殘缺卽仕以爲學抑亦疎矣然而從古之蒞斯邑者

寶豐縣志卷二十四

叙傳

四

卽可於考稽之下奉爲楷模如周樂承業之令滎陽方直彪炳史冊唐崔敏之尹龍興直道治民柳柳州推其世德克紹至宋明道先生司權政於酒務春風和煦拂披千古此尤尙論之令人神往者格南楚末學得與諸曩哲先後官斯土心切矜式雖不能步武萬一而遡回嚮往如炙羹墻則亦不可謂非幸也若夫是邑名賢誕毓漢則有馮公孫宋則有孔寧極蓋臣孝子輝映後先讀是書者忠君愛親之念有不油然而興者乎至於節烈氣義歌咏文章均不讓美前人要皆余之惓惓於無旣也夫皆乾隆八年歲次癸亥六月格舉廢興墜能自振厲今列入循政記

寶豐縣志卷二十四下終